

rem produnt memoriae non solitum verba dividere, nec ab extrema parte versuum abundantes literas in alteram transferre, sed ibidem statim subjicere, et circumducere.

Man. Nos id libenter imitabimur, quoniam exemplum est Regis.

Mag. Rectè facitis quomodo enim aliter approbatris vos, ex illius esse satos sanguine? Sed, non obstante regio exemplo, non conjungatis omnes literas, nec omnes separatis. Sunt quæ vinciri inter se postulent, ut caudatae cum aliis, velut a, l, ut item hastatae, ut f, et t. Sunt quæ recusent, nempe orbiculatæ, p, o, b. Quantum poteretis recto capite scribite: nam inflexo, atque incumbenti, deflunt humores ad frontem, et oculos, unde morbi nascuntur multi, et videndi imbecillitas. Accipite alterum exemplar, quod exprimatis eras Deo propitio. Ovidium audite:

*Sed propera, nec te venturas differ in horas,
Qui non est hodie, cras minus aptus erit.*

Et aliud ex Mart.

*Current verba licet, manus est velocior illis,
Nondum lingua suum, dextra peregit opus.*

Men. Interea optamus te bellissimè valere.

LIBRI TERTII FINIS.



COLLOQUIORUM SCHOLASTICORUM

LIBER QUARTUS.

PAULO GRAVIORA CONTINENS, PRÆSERTIM IN
MORIBUS ET CHRISTIANA DOCTRINA.

COLL. I. (*)

EBRIETAS.

ASOTUS, TRICONGIUS, ABSTEMIUS, GLAUCIA.

Aso. Quid tu dicas Trincogi? Quàm lautè nos heri accepit Brabantus ille!
Tri. Malè sit illi, non potui tota nocte quiescere. Vomui (sit habitus honos vestris auribus) convolvi me subinde toto lecto, modò ad spondam interiorem, modò ad exteriorum: fauces, et stomachum videbar rejecturus: nunc præ dolore

(*) Ad autorem toties laudatum, sequentia Coll. in numerum usque quartum inclusiva, pertinent,

- capitis, nec oculorum officio possum fungi, nec aurium. Lamina ponderosa plumbi videtur mihi in frontem, et oculos incumbere.
- Abs. Frontem, et tempora fortiter astringe fascia, et Rex videberis.
- Tri. Seu ipse potius Bacchus, à quo institutum manavit diadematum in reges.
- Aso. Recipe te domum, et edormi crapulam.
- Tri. Domum vero? Nihil aequè fugio, et aversor, ut domum, et uxorem clamosissimam, ea si me nunc aspiceret, longiores haberet Homilias, quam Chrysostomus.
- Abs. Hoccine apellas tu lautè tractari?
- Gla. Planè ita est, nam laverunt probè guttur, et fauces.
- Abs. Manus vero?
- Gla. Ne semel quidem.
- Aso. Immò sepè vino, et lacte, dum alii in aliorum pateras immittebamus manus.
- Gla. Quid potes dici lautius? Et quidem digitos pingui carninum, et embammatis inviscatos.
- Abs. Tace per Divos: quis posset absque nausea rem adeò audire, obsecènam? Quanto minus videre aut de ejusmodi vino, aut lacte gustare?
- Aso. Divi vestram fidem, adeone es Abstemi delicatus, ut hæc ne auribus quidem possis devorare? Quid faceres palato, ut nos? Sed heus tu Tricongi, compotator suavissime, mittamus puerum aliquem, qui nobis in illa phiala fictili adferat ex eodem vino? nulla est certior huic veneno theriaca.
- Tri. Estne hoc exploratum?
- Aso. Quid ni esset? Memineris versus quos cantat Colax: ad sanandum morsum canis nocturni, sume ex pilis ejusdem canis.
- Gla. Narra quæso de convivio.

- Abs. Ne narres, nisi velis me removere, quidquid habeo in ventriculo, cum ipsis vitalibus.
- Gla. Fassesse igitur paulisper
- Aso. Ego narrabo quam commodissimè ut nusquam sit honos præfandus.
- Gla. Incipe obsecro, adverte animum Abstemi.
- Aso. Oh Glauclia mi, ante omnia isthuc ex me habe, nullum esse hominum genus, quod comparari posuit cum festivo, et largo convivatore. Qui-dam ostentant eruditionem rerum variarum, id est, mera nugamenta: alii jactant experientiam, et usu collectam prudentiam; quorsum id? Sunt qui habent quidem opes, sed audent expendere: miseri, quid eos juvat asservare? Benignus convivator, ubique prodest, ubique est gratus, vel solus illius aspectus exhilarat tristitiam animi, et discutit, si qua est in eo miseria, sive recordatione convivii, sive spe, atque expectatio-ne: alia omnia quæ dicuntur bona animi, nec ego video, et sunt jejuna, atque infrugifera.
- Abs. Rogo te Aso, quis est autor tam bonæ sententiae?
- Aso. Ego, et omnes mei similis, id est, plerique ex Gallia Belgica à Sequana ad Rhenum flumen. Tantum dissentient inter nos homuli quidam, vel miseri, et præparei, qui Abstemo suum in-vident cognomen, frugi volunt appellari: vel qui-dam magna sapientiae opinione suffarcinati, id est, inani nomine, quos etiam nos (id est, maxi-ma pars hominum, et præcipua) rideamus.
- Abs. Quid audio?
- Gla. In hoc iste non fallitur, esti ebriosus: nam nusquam eruditio minus habet pretii quam in Belgica: non aliud esse rentur virum eruditione præstantem, quam sutura, vel textura.
- Abs. Atqui student hic multi, et non infelici profectu.
- Gla. Deducuntur à parentibus parvi filii ad scholas,

tanquam ad opificium, quo parent sibi deinceps victum. Ipsi etiam scholastici, dictu incredibile, quām parvi institutores suos faciant, quām prosequantur honore exiguo, et præmiis adeo tenuibus, doctores insignes, ac primi nominis tolerare sese vix possint.

- Abs. Ista sunt ab instituto sermone aliena: revertamur ad convivium.
 Aso. Hoc malim audire: et missos faciamus jam tandem sermones istos studiosos, qui sunt profecto infrugiferi. Neseio quemadmodum vos Itali de eruditone statuatis: mihi certè res videtur non solum inutilissima, sed etiam damnosa.
 Abs. Idem videtur bovi, et sui, quod tibi; et nobis quoque videretur, si non haberemus plus mentis quām tu.
 Aso. Non esset finis: itaque audi jam. Primùm omnium acubuimus severi, et tristes, sacrata est mensa, silentium ubique, et quies, cœpimus expedire cultellum quisque suum: speciem probebamus non invitatorum, sed invitorum, adeo id diceres facere nos coactos, et faciebamus re vera admodum segniter: nondum enim incaluerat animus ardore illo libero, aptat quisque mantile suum humeris, nonnulli etiam pectori, alii de mappa extendunt super gremium: sumit panem, aspicit, volvit, purgat, si quid esset carbonis, aut cinerum decorticat, et hæc omnia lente, et cunctabundè. Quidam auspicati sunt cœnam à potionē: alii priusquam biberent paulum sumpserunt acetarii, et bubulæ salitæ, ad exitandum dormiens palatum, et stimulandum languidulum: primus scyphus fuit cervisiae, ut frigidum cœmentum substerneretur ardori vini. Allatus est sacer illi liquor, primum poculis angustis, et exiguis, quæ magis sitim irritarent, quam restinguere.

rent. Dóminus homo festivissimus, qui potiorem in hac tota regione nullum habet, ac ne parem quidem mea utique sententiâ (quod sit dictum sine cujusque injuria) jubet adferri pocula capacissima, et cœptum est largiter potari more Græco, ut dicebat illuc philogracus quidam, qui Lovanii olim studuerat. Ibi cœpimus loqui, tum incalescere, hilaritas ubique et rissus diffusissimus. Oh cœnœ, noctesque Deorum! Alii aliis præbibimus, et magna æquitate faciebamus paria: nefas erat sodalem fraudare, tali præsertim tempore.

- Abs. Merito, quum agitur non de calice vini, sed de sensu, et mente, rebus in homine præcipuis. Sed ut haec de re tam lœta, tam festiva, tu, et ego colloquamur, primùm rogandus es an sis ebrios? Non re vera, et facile est cognoscere ex ordine orationis mee: nam si essem, putas me hæc referre potuisse adeo composite?
 Aso. Rectè est: alioqui juxta mimi versiculum absente litigarem. Principio cur non extruitis templum aliquod in hac regione Baccho, cœlestis hujus liquoris repertori?
 Aso. Hoc vestrum est qui ædem habetis Romæ Sergii, et Bacchi, nobis satis est quotidie illi passim saera facere. Et fortasse erigeremus templum, si constaret fuisse illum inventorem: nam de ea re audivi disceptari inter studiosos quosdam. Sunt qui potant primum fuisse Noam, qui vinum biberit, quique sit inebriatus.
 Abs. Dimittamus ista, cedo, quod vinum bibebatis?
 Aso. Quid nostra refert, quod sit vinum, aut ejus?
 Habeat modo nomen, et colorem vini, id satis est nobis: delicias illas quærat Gallus aut Italus.
 Abs. Quæ ergo potest esse delectatio, quum id non gustas, quod in corpus ingeris?

- Tri. Fortassè nonnulli initio aliquid gustant, integro palato: mox vero depravato ex tanta humoris redundantia, gustum omnem amittunt.
- Abs. Siti jam exticta, nulla superest voluptas, quæ tota sita est in satisfaciendo desideriis naturalibus: ita ut tormenti sit genus sine siti bibere, aut sine fame edere.
- Tri. Putas nos Abstemi, ad voluptatem potare, aut quod sit jucundum?
- Abs. Tantò ergo estis pejores bestiis, quæ aviditatibus naturalibus aguntur: vos neque illuc dicit ratio, et retrahit natura.
- Tri. Dicit nos èo sodalitas, et paulatim inebriamur imprudentes.
- Abs. Quoties estis inebriati, quoties alios ebrios vidistis?
- Tri. Quotidie plurimos.
- Abs. Non sufficient ergo tam multa experimenta ad devitandam rem tam fœdam? Atqui bellua vel uno experimento fieret cautor.
- Gla. At sodales istos, in quorum gratia transeunt ex hominibus in bestias, scis quam habent charos? Dum potent, darent illis præcordia: dgressi illinc, vix agnoscunt, vitam, et animam cuiusvis illorum nollent redemptam sibi numo sestertio.
- Abs. Quibus ex poculis hauriebatis vinum, et quomodo?
- Aso. Primum allata sunt vitrea, paulo post ob periculum sublati illis exhibita argentea. In vinum injici ebamus à primo herbulas, quod id suaderet anni tempus: paulo post jus carnium, lac, butyrum, cremorem.
- Abs. Oh spureitatem, ne belluis quidem tolerabilem!
- Tri. Quanto tu tragicoteron exclames, si scias alios in aliorum pocula manus sordentes immittere. Conjurare ovorum, et pomorum, et nucum putamina, et olivarum, ac prunorum ossa.

- Abs. Abstine ab hisce narrandis, si vis, ne me hinc in sylvas alias fuga abripiam.
- Tri. Audi tu in aurem Glaucia. Quidam horum gestant faciendo intinere cornu venatorum, plenum ut necesse est, pulvere, et stipulis, et floccis, et sordibus aliis: ex hoc bibimus, Quid?
- Tri. Quid vero? Vinum.
- Gla. Immo vero mentem.
- Tri. Planè ista est, et post epotam mentem, matulis non admodum mundis sumptis de seanno lecticari, usi sumus pro calicibus.
- Abs. Quis fuit convivii exitus tanquam fabula?
- Aso. Natant vino pavimenta. Inebriati sumus omnes: hospes imprimis, homo strenuus, dejectis sub mensam magna victoria duabus, aut tribus.
- Abs. Oh præclaram victoriam, et de re pulcherrima, ac prædicanda! Sed omnes tamen vinum vicit?
- Aso. Etiam.
- Abs. Miserum te, quid putas esse ebrium?
- Aso. Probè, et ea animi sententia indulsisse genio.
- Abs. Cui genio? bono, an malo?
- Gla. Si rectè omnia scruteris, nusquam invenies, cui indulgant: neque enim animo, nec voluptati, nec ulli rei alteri, cui alli indulgent, qui vitii obtemperant, et pravis animi cupiditatibus: sed inebriari, est, sensuum facultates amittere, exire de potestate rationis, judicii, mentis: planè ex homine fieri, vel pecus, vel saxum. Quæ deinceps sequuntur (etsi nunquam ebrios vidi) tamen facillimum est conjectare: loqui, et nescire quid loquaris: si quid commissum est tibi arcanum maximè celandum, effutire: atqne ea dicere, propter quæ te, et sæpè patriam, ac provincian universam in grave discriben adducas: nulla distinctio amici

- et inimici, uxoris et matris: rixæ, jurgia, inimicitiae, plague, vulnera, mutilatio, occisio.
- Tri. Etiam sine ferro, et sanguine: nam non pauci continuant ebrietatem cum morte.
- Gla. Quis non domi se eum cane aliquo, aut fele includere, quam cum ebrio? Plus enim mentis est in illis animantibus.
- Abs. Post ebrietatem vero cruditas, debilitatio nervorum, paralyses, arthretici, cruciatus, graveudo capitis, et corporis totius, hebetatio sensuum omnium: memoria extinguitur, ingenii acies retunditur: unde stupor in tota mente, et ad intelligendum, sapiendumque, et ad eloquendum.
- Aso. Jam incipio intelligere, magnum esse malum ebrietatem: posthac dabo sedulam operam, ut bibam ad hilaritatem, non ad ebrietatem.
- Gla. Hilaritas est janua ebrietatis: nemo venit ad bibendum eo animo, ut inebriator: sed bibendo exhilaratur, continuo post sequitur ebrietas: difficile est enim signare hilaritatis metam atque in ea sistere. Lubricus est gradus ab hilaritate ad ebrietatem.
- Abs. Dum vinum habes in scypho, illud est in tua potestate: dum in corpore, tu es in illius: haberis jam, non habes: quum bibis, tu tractas vinum pro tuo libito: postquam biberis, illud te tractabit pro suo.
- Aso. Quid ergo? Nunquamne est bibendum?
- Abs. Dum vitant stulti vitia, in contraria currunt. Bibendum quidem, non potandum: natura sola in hoc docet bruta, hominem non docebit eadem natura ratione adjuta? Edes quum esurias, bipes quum sities: fames, et sitis admonebunt quantum, quando, quatenus edendum, et bibendum.

- Aso. Quid si semper sitiam, nec sitim possim mitigare, quin fiam ebrius?
- Abs. Bibe, quod inebriare non possit.
- Aso. Non fert constitutio mei corporis.
- Abs. Quid si tantum esurias, ut exatiari nullo cibo posses, nisi disrumperis?
- Aso. Ea verò non esset fames, sed morbus.
- Abs. Nimurum opus esset medicina ad eam famem tollendam, non dapibus: nonne?
- Aso. Quid ni?
- Abs. Eodem prorsus modo, medico tibi esset opus ad eam sitim, non caupone: et potionē de pharmacoplia petita, non de oenopolio: non est ea sitis, morbus, et quidem perniciosus.

COLL. II.

PRINCEPS PUER.

MOROBULUS, PHILIPPUS, SOPHOBULUS.

- Mor. Quid agit tua Celsitudo Philippe?
- Ph. Lego, et edisco, ut ipse intueris.
- Mor. Intueor sanè, et cum dolore, defatigas te, et maceras generosissimum istud corpusculum.
- Ph. Quid ergo agerem?
- Mor. Quid alii Proceres, Principes, viri nobiles, et opulent: equitare, confabulari cum puellis Augustæ Matris tuae, salutare, discere artem tractandi arma, lusitari foliis, aut pila, salire, currere: hæc vides esse studia nobilitatis jucundissima.
- Quod si tantis oblectationibus frauntur, qui vix digni sunt ut in familiam tuam admitantur: quid te

- Ph. facere convenit, tanti Principis filium, et hæredem?
- Mor. Quid studium literarum, nihilne prodest?
- Ph. Prodest quidem, sed iis qui sunt initiandi Sacris, aut qui ea arte victum sunt sibi comparaturi, quemadmodum aliis sutoria, aliis textoria, et artes cæteræ quæstuariae. Surge quæso te, posne libros de manibus, eamus deambulatum, certè ut respire aliquantisper.
- Ph. Non licet mihi nunc per Stunicam, et Siliceum.
- Mor. Qui sunt hi Stunica, et Siliceus? An non subditi tui, in quos tu habes imperium, non illi in te?
- Ph. Stunica est Educator meus, Siliceus autem Institutio literarius. Subditi sunt illi quidem mei, seu verius patris: sed pater, cui ego sum subditus, præfecit illos mihi, et illis subjecit.
- Mor. Quid ergo? Dedit pater Celsitudinem tuam in servitutem illis hominibus?
- Ph. Nescio.
- Mor. Ah facinus indignissimum!
- Sop. Minimè vero, o fili, immo illos fecit servos tuos, quos voluit tibi semper adhærere, oculos, aures, animum, mentem in te unum defixam gerere semper, et relictis suis quemque negotiis, tuum unius negotium agere: non ut te imperiosè vexent, sed ut rudes tuos mores boni illi, et sapientes viri ad virtutem, decus, atque excellentiam forment: non quo te reddant mancipium, sed ut verè liberum, et verè Principem, quibus si non obtemperaveris, tum demum servus eris extremæ conditionis, pejor iis, qui hic inter nos versantur, empti, et venditi ex Aethiopia, vel Africa.
- Mor. Cujus tandem esset mancipium, si illis Educatoribus morem non gereret?
- Sop. Non certè hominum, sed vitiorum, qui domini sunt importuniores, atque intolerabiliores quovis homine improbo, et sceleroso.

- Ph. Non satis ista intelligo, quæ dicis.
- Sop. At intellexisti, quæ Morobulus?
- Ph. Planissimè omnia.
- Sop. Oh quam essent homines felices, si quam cito habent sensum, atque intelligentiam rerum levium et malarum, haberent etiam bonarum et conducibilium. Nunc vero contra evenit, ætate ista nugas, ineptias, immo insanias, ad quas te Morobulus est adhortatus, facilè intelligis; quæ ego de virtute, de dignitate, de omni laudis genere dicerem, tam caperes, quam si Arabicè loquerer, aut Gotthicè. Quid ergo faciendum consuleres?
- Ph. Ut saltem sustineres assentionem, nec hujus sensibus, nec meis acquiesceres, quoad de utrisque posses judicare.
- Ph. Quis dabit hoc judicium?
- Sop. Etas, institutio, experimenta.
- Mor. Hui quam esset longum ista expectare?
- Sop. Benè monet Morobulus: abjice libros: eamus lusitatum, et ludemus ludum, in quo unus eligitur Rex: is præscribit aliis quæ sint agenda, parent cæteri juxta leges lusionis: tu eris Rex.
- Ph. Ut erit ludus? Nam si eum ignorem, quomodo potero Regem in illo agere?
- Sop. Quid dicas Philippule dulcissime, deliciæ Hispaniarum? In ludo, et rebus levissimis, in quibus error nihil adfert periculi, non auderes Regnum suscipere, ludi nescius: et vis tot et tantæ Regna serio capescere, ac regere, ignarus conditionum, populorum, legum, administrationis? Denique rudis totius prudentiæ, instructus solùm ridiculis ineptiis, quas tibi Morobulus hic in animum instillat? Heus puer, dic præfecto equili, ut proferat hue equum illum Neapolitanum, ferocissimum calcitronem, et sternacem, in quo Philippus sedeat.

- Ph. Minimè illum verò, sed alium cirecuratiorem: nam regendi equi tam refractarii nondum artem habeo, nec vires.
- Sop. Quæso Philippe, et putas tu leones ullos esse æquè feroce, aut equos adeò calcitrones, et refractarios, et minus parentes frænis, quām scelerati homines simulatique? Qui conveniunt, et congregantur ex omni vitiorum, flagitiorum, scelerum, et facinorum genere, ex animi perturbationibus concitatis, insensis, inflammatis, ardentiibus? Equum non audes attingere, hominem poseis quovis equo ad regendum, tractandumque difficiliorem? Sed missa isthæc faciamus. Vides in hoc flumine illam cymbulam? Navigatio est jucundissima, atque amoenissima inter prata, et salicta, quæso descendamus in eam: tu sedebis ad clavum, et ages cymbam.
- Ph. Ita planè, ut vos subvertam, et demergam, quemadmodum nuper fecit Pimentellulus.
- Sop. Ne cymbam quidem gubernare vis, in annam tam modico, et tam placido, quia rudis: et committis te mari illi, undis, fluctibus, tempestati nobilium, insecus, et inexpertus: planè usu tibi venit, quod Phaetonti: qui aurigandi nescius, ardore juvenili currum patris gubernandum sibi depoposuit: notam esse tibi fabulam reor; præclarè Isoerates, duas res maximas in hominum vita dicebat esse, principatum, et sacerdotium: quas tamen nemo non expeteret tamquam dignus, nemo non crederet se recte posse gubernare tanquam prudentissimus.
- Ph. Intelligo nihil esse conditioni, ac personæ meæ perinde necessarium, ut artem, ac peritiam regendi Regni.
- Sop. Probè rem tenes.
- Ph. Quomodo eam assequar?

- Sop. Eduxisti tu illam tecum ex matris utero? Nullo modo.
- Ph. Qua igitur fronte audet Morobulus hic esse tibi author, ut ea studia rejicias, quibus et artis hujus peritia, et aliarum rerum maximarum, ac pulcherrimarum cognitio paratur?
- Ph. A quibus ergo sunt haec haurienda?
- Sop. Ab iis, qui ea maximis ingenii animadverterunt, atque observarunt: quorum alii sunt mortui, alii vivi.
- Ph. E mortuis quomodo discendum? Possuntne mortui loqui?
- Sop. Nunquamne fando audivisti nominari Platonem, Aristotelem, Ciceronem, Senecam, Livium, Plutarchum?
- Ph. Magna nomina: sæpè, et cum ingenti admiratione, ac laude.
- Sop. Illi ipsi et alii permulti eorum similes, jam olim vita funeti, confabulabuntur tecum, quoties, et quandiu libuerit.
- Ph. Quomodo?
- Sop. Libris, quos ad docendam posteritatem reliquerunt.
- Ph. Quin dantur mihi illi jam in manus?
- Sop. Dabuntur brevi, postequam didiceris eum sermonem, quo possis loquentes illos intelligere. Sustine paulisper, atque hanc brevem molestiam perfer, quæ devoranda est in accipiendo principiis: illico post incredibilis sequentur delectationes, quas qui nondum degustarunt, mirandum non est à literato studio abhorrire. Nam qui sunt experti, eos citius a vita quām à libris, et rebus cognoscendis avelleris.
- Ph. Cedo vero, qui sunt vivi, à quibus sapientia hæc discenda est, et mens bona?
- Sop. Si iter esses quodpiam initurus, à quibus tandem de itinere percontareris? Utrum ab iis, qui

- iter illud nunquam vidissent, an qui aliquando confecissent?
- Ph. Ab iis scilicet, qui confecissent.
- Sop. Vita hæc nonne est velut iter quoddam, et profectio perpetua?
- Ph. Sic videtur.
- Sop. Qui ergo iter hoc perambularunt, senes, an juvenes?
- Ph. Senes.
- Sop. Senes igitur auscultandi.
- Ph. Omnes indifferenter?
- Sop. Acutè rogas, non omnes promiscuè; sed quemadmodum de via, sic de vita. Utri norunt viam, qui eam peregerunt nihil animadvertisentes, aliud agentes, animo non minus peregrinante quam corpore: an qui annotarunt diligentè, et attentè singula, et memoriæ mandarunt?
- Ph. Nimirū hi posteriores.
- Sop. Ergo in consilio de vitæ ratione capiendo non audiendi juvenes, qui iter hoc nunquam sunt ingressi: quanto minus adolescentes? Et quod stultissimum est, atque indignissimum, pueri? Neque ad id admittendi senes imprudentes, lascivi, dementes, deteriores pueris, quos divina Oracula execrantur, quod sint pueri centum annorum. Solis præbendæ aures senibus magni judicii, usus rerum, et prudentie
- Ph. Quo signo eos dignoseam?
- Sop. Nimirū ætate ista, fili, nullo adhuc: sed ubi majus, et firmius accesserit judicium, facile id cognoscere ex verbis, et factis, tanquam nota certissima. Interea vero, dum ea ingenii facultate non vales, crede te cunctum, et committe patri tuo, et iis, quod tibi pater adjunxit insti-tutores, ac Magistros, infirmæque istius ætatis gubernatores, et quasi manuductores per viam,

- quam tu nunquam iniisti. Nam patri, cui charior es quam ipsem et tibi, major est de te cura, quam tibi ipsi: atque ad eam rem non solùm suo usus est consilio, sed hominum sapientum. Nimirū diù tacui.
- Sop. Ita planè, præter morem tuum: eamque rem ego jam dudum vehementer demirabar.
- Mor. An non pater tuus Philippe, et Rex Galliæ, et alii magni Reges, ac Principes, sine literis, et labore isto tam molesto, quem hic teneris tuis humeris inclementer imponit, Regna, et ditiones suas regunt, et in officio continent?
- Sop. Nulla res tam facilis est quæ non fiat difficilis, si invitus faciat. Non est opera literis impensa laboriosa ei, qui libens eam subit: qui autem invitus, ei vero vel lusitare, et in locis deambulare amanissimis grave, ac intolerandum est. Tibi Morobule nugandi avidissimo, et nūgis semper assueto, serium aliquid, vel agere, vel audire instar est mortis: vicissim alii complures vitam sibi existimarent acerbam, si ad istum modum vitæ suæ rationis instituerent. Quam multi sunt, in aulis præsertim, quibus nihil est dulcius, quam otium torpens, atque inertissimum? Admoveare manum alicui operi, tormenti est loco: quam multi vicissim in populis, qui emoriantur citius, quam sic dies omnes vacuos transigere. Et celerius delassentur nihil agendo, quam ab intentione animi in negotium aliquod. Sed ut respondeam tibi de Cæsare, et Rege Galliæ, audies à me in universum de senibus, quos posuit eos esse, qui spatium hoc vitæ decurrissent. Si omnes quotquot viam quampliam peregissent, concorditer narrarent se per viam in locum incidisse plenum difficultatis, et periculi, ex quo saucii, et pessimè affecti discesse-

rint: quod si ejusmodi iter sursum essent ingressuri nihil diligentius caverent, quam illud disserim: quid tu censes? An non hominis foret amentissimi, quam eadem ipse via insisteret, non recordari tantil periculi, non illud devitare?

Ph. Nondum teneo, quid velis.

Sop. Faciam igitur planius exemplo. Finge esse supra flumen istud tabulam angustam pro ponticulo: referant tibi omnes, quotquot equo insidentes tentarint illam transire, decidisse in aquam, adiisse vitae disserimen, ægrè esse extractos semivivos: intelligisne hoc?

Ph. Bellissimè.

Sop. Quid tu jam? An non tibi demens videret, si faciens illac iter, non ex equo descenderes, et effugeres id periculum, in quod alios venisse audis?

Ph. Nimirùm ita agerem.

Sop. Et merito. Quære tu jam ex senibus, quid maximè incommodum in vita, quid eos prætermisso doleat, et vehementer peniteat? Omnes tibi uno ore respondebunt, qui aliquid didicerunt, non plus didiscisse: qui vero nihil, non adhibuisse operam, ut aliquid scirent. In hanc querimoniam ingressi, non faciunt finem referendi, missos se fuisse à parentibus, aut educatoribus ad scholas, et Magistros literarum: se tamen vanis delectatiunculis, vel lusionum, vel venationum, vel amorum, ejusmodi nugarum illectos, amisisse pulcherrimas è manibus discendi occasionses. Itaque conqueruntur de facto suo, et sortem suam deplorant, ac semetipsos accusant, damnant, interdùm quoque execrantur. Vides ergo locum hunc desidie, atque ignorantiae esse in via hac vite maximè infestum, et periculosum unumque omnium præcipue devitandum? Quo-

niam quidem audis tam miserabiles eorum querelas, qui in illum sunt collapsi: is est igitur omni cura, et diligentia cavendus, et segnitie, otio, deliciolis, nugis rejectis, ac spretis, in studia literarum, cultumque bouæ mentis tota animi intentione incumbendum. Tu hac de re patrem tuum roga, tametsi juvenem adhuc: et tu Morobule, tuum, jam senem. Intelligitis ex eis, veram esse meam sententiam.

COLL. III

EDUCATIO.

FLEXIBULUS, GRYMPHERANTES, GORGOPAS.

Fle. QUANAM gratia misit te huc ad me pater tuus?
Gry. Dixit te esse hominem egregie institutum, sapienter aducatum, eaque de causa gratum huic Civitati: cupere se, ut ego eisdem, quibus tu, vestigiis insistens perveniam ad similem favorem populi.

Fle. Quomodo igitur te id assecuturum censes?
Gry. Ingenua educatione, quali te omnes prædicant esse prædictum. Adjecit pater eam educationem magis decere me, quam alium quemvis.

Fle. Cedo mi fili, quomodo ea in re venis à patre imbutus?

Gry. Non tam me pater præceptis instruxit, quam patruus quidem meus, vir senex, versatus multum, et diù in Regum comitatibus.

Fle. Quid ergo illi te docuerunt, me fili et amice?
Gor. Vide vir prudentissimè, ne fortassè per ignorantiam labaris in dictum aliquod, aut factum stultum, vel rusticum, unde amittas istud nomen